

于湖小集

于湖小集

詩五

奉和壺公師近詩四章

和正月十七日發金陵夕至牛渚

和登采石磯

過蕪湖枉臨廨舍讌集賜以佳章誤蒙推獎媿未
敢荷謹次韻補呈一首

和石鐘山拜水師昭忠祠坐芸芍堂

節庵所遺雷州葛布今夏始製爲袍時病新起追賦
一首

壽方滌儕先生七十

將謙集蕃漢賓僚於南庵

范長生詩

集知稼樓

和雲門桃花源詩三首

武陵漁人誤入桃花源贈隱者

桃花源隱者送武陵漁人出洞

武陵漁人再至桃花源尋隱者不遇

和雲門早春見懷

聞松江府西門內新建融齋書院成太守陳公率諸

生落之不覺色喜老門生今秋定歸不審都人士廷
推我作灑掃戶否

頌千里鏡

山寺

憂樂相倚伏

贈熊滁州

披襟

懷顧子朋益山下面水居

再和雲門桃花源詩

書陶靖節桃花源記後

言三
夜雨懷子培

懷壺公師

寄子培

喜復堂至

雲門五十有一初度以詩爲壽

過橋

宴集南樓會者十九人有作

池上草堂

時客龍舒作

次山提刑餉黔中竹蓀一器

又遺鹿筋一束

三崎人贊

陸生

班嗣

楊少師

于方伯餉西瓜

和楞青

倫叔爲致惠山泉一甕

燈塔

亮生遺我蛇總管二枚云是崖州所產藤本味辛滑
治痧症腹瀉胃氣癰兼辟惡物本艸所未及收作詩

頌之

舟中戲題

故鄣

望艸堂寺

夜至鍾山書院訪小珊山長

游元武湖

謁拜湘鄉相侯畫像

舟集

溪上泛舟

作五章

曉望浦口

怨詩楚調示黃公度僉巡別

寄汪穰卿進士

卽景

江上送筱珊禮卿之鄂州

崔隱居餉蓮藕

曲園俞先生年八十重游泮水寄詩爲壽

將以月夜泛荆山湖

時上牒大府乞予長休告

偶書二絕

弢廬子約導游黃海期以裹一月糧偕往

山寺

調印根

病齒

寄一詩祭醑朱鼎父亡友墓

無事坐作偈

記友人法語

聞黃漱丈將自鄂州來遊舒州擬遣人相迎

漫興

門生伍叔葆翰林餉羅浮山泉一甕

又餉黃獨酒茅筆

酬印根泛舟荆山湖之作

予病新起故未往

九日蠓磯登高舟中宴集

重治小梭子戲爲吳下俳諧體

懷雲門

煮茶

小瑤林

新治高齋

聞家渭漁比部病詩以調之

師徐遺我湖上梅花六株栽之東廊下

舒州池上艸堂之東偏有亭久圯擬規復之作一小

茅亭冀省煩費而事易舉

于湖小集

詩五

芳郭鈍安

奉和壺公師近詩四章

丙申

和正月十七日發金陵夕至牛渚

半壁經年締造辛
節幢西上走江神
然犀亭下民如堵
爭
迺尙書只幅巾

夷吾江左祝重來
父老相攜獻綠醅
只有租船詠史吏
未
陪撰杖謫仙臺

初約迺至牛渚
以吏躡不果往

和登采石磯

俯瞰馮夷水
伯宮東龕北拒數
前輓乍攜諸吏崢嶸上仰

薄煙霄呼噏通清興欲尋黃海約新詩已護碧紗籠祠堂

獨下彭公拜艸奏當時金石同

公權督兩廣日與彭剛直議防海規越戰守機宜及

援諒山大捷章奏電報動輒數千言率公主藁兩衙拜發彭每稱善不改易一字今

敕建剛直專祠在采石

過蕪湖枉臨廨舍讌集賜以佳章誤蒙推獎媿未敢

荷謹次韻補呈一首

爲政清約不如游明根佐募力士不如蒼海君

上年冬奉鈞檄分募

自強

吏能迂疏百不效著籍殊玷通德門亶洲議媾强遷

就公諍之力排天閹金城千里江介恃元老誓障河決屹

立如王尊敵人闔戶旋退卻光芒龍劍不敢捫

南洋布置海防重重

門戶均宿勁旅上年二三月倭艘犯海州沐陽將截我淮徐南北中權之糧路人心大震公厚集諸軍禦之寇不得

還事平

詔遙武昌節郢士跂立春風溫謝公偶廬山澤興排雲渾
紉山靈奔庭堅舉止轉瑟縮烟霾赭岫春波渾鑿坏深閉
酺池寺未迓潞國移芳樽公領賓從約游赭山滴翠軒以
大雨路滑又畏吏人供張遂止
不往法筵晏坐碎金出蒙翳振發平津昏髯參短簿盡才俊
節庵太夷禮卿穰卿君立皆在坐黃山碧溪清營魂袞衣西上控形勝平
準鹽鉞威兼恩經綸夷險佐

廟算弇洲詞客何足承思存還捧吾師詩句妙一世傳衣
有記法乳資來昆

和石鐘山拜水師昭忠祠坐芸芍堂

未得追陪蠟屐靴，
鉤不信石如鐘。禮深
酌酒芭傳舞，雅想聞
顰將景從。壁記已漫
瞻畫象，海軍重治選
眞龍。心源追契湘鄉
老，待整軍容又國容。

壘空小泊躡坡輓，
水石相磨吼巨鐘。此
老襟期無滯著，異時
跋版出橫從。檻臨絕
壁攀栖鶻，池咒禪孟
畜蛻龍。禮罷國殤施
妙墨，山門留鎮伴金
容。

原作

正月十七日發金陵夕至牛渚

壺公師

牛渚春波淺漲時，
武昌官柳已成絲。
東來溫嶠曾無效，
西上陶桓抑可知。

登采石磯

壺公師

艱難溫嶠東征地慷慨虞公北拒時
衣帶一江今涸盡祠堂諸將竟何之
眾賓同灑神州淚尊酒重哦夜泊詩
霜髯當風忘卻冷危欄煙柳夕陽遲

過蕪湖贈袁兵備

壺公師

爲政有道道有根佳人讀書袁使君
九流孺嚚仍擺落收拾併入不二門
羅城于公三閒屋民隱不隔當關閭
東頭圖書西筦庫中有湛然心君尊我
鎮金陵強一載蔣山蘿薛何曾捫老牛
困鞭思脫紉經義就子同尋溫春雲壓
江雨意遠泥淖洗馱胥徒奔南望赭山
隔煙霧北瞰于湖新

言五
三
波渾燕語亦足抵遊覽芻飯滂沛傾深樽談詩看畫軸篆
刻十不盡一晡侵昏過江名士均在坐此會此樂悅心魂
胡爲欲理嚴瀨釣儒效未竭安酬

恩黃山幸在君管內來遊何日常思存賓從豪盛自詫王
元美東道殷勤還望汪道昆

石鐘山拜水師昭忠祠坐芸芍堂

壺公師

南疆水戰兩奇蹤赤壁東來數石鐘千里江湖似瓴建一
時賢俊盡風從靈旗月閃驚栖鶻疊空波鳴起睡龍太傅
功名誰不贊服公勝算在從容

和

恩施

樊增祥

雲門

滴翠軒北萬箇蒼筤根雨中迴席不過綠玉君尙書樓船
屹江介橐鞬屬道填國門臨汝老作門生長肆筵夙戒翟
與闔謝公躡屐過碁墅虎士擁衛中軍尊一昨鯨鯢沸東
海扶桑軒日誰敢捫

朝廷卜帥授黃鉞眾議殷浩先桓溫賀蘭不掇睢陽失房
琯遽有陳濤奔吾師談笑靖江左桓桓諸將皆濬渾兵精
盡縣北府籍士飽滿酌中衢樽事平持節返湘漢春濤掃
岸江雨昏于湖清醺進龍鮓吸飲月魄餐日魂四海久望
相司馬紫樞行拜

宣仁恩及門不少果達藝留府況有琬允存會當指示公

家虬髯取瀛島豈惟手揮勃律玉盃擒堅昆

節庵所遺雷州葛布今夏始製爲袍時病新起追賦

一首

故人遺我雷陽葛服以拜賜生光暉衣荷製芟老安帖祇
惜漢皋之佩流波違重之不減錦繡段輕紈賤彼相追飛
中有炎洲煙雨漬東軒長老之謫籍當日黃茅瘴裏吟癢
瘁海圖波濤折舊繡帶尙餘犀紅半圍侍兒采葛繰弱蔓
軋軋夜火鳴春機瓊雷隔海遺儋窳椰冠蕉製蜥蜴風生
幃兩翁服之清似鵠今其遺製霧結還煙霏嶺南仙人華
予當暑著我儀山澤不羨紫與緋孺初沈泉伯訥往雷陽

虛館蒼雪交荆扉巢痕久掃貞元朝士迹與君飄蕭影落
牛渚兼鵲磯江湖五日不預宮葛賜上章欲排蒼闔雲生
衣罪言屬草天關虎豹不得上深冬絺綌眾所譏我儀李
鳳臺解官朝忍饑暨陽講院深衣日危坐墨腕兩袖落筆
生珠璣李申耆先生致仕後晚主書院二十年終日著布
開氣袍坐講堂上與諸生口講指畫想見老輩律
己之嚴老行挂朝衫著蘿薜投効大府從其祈長鑱去勵
而彌篤攝山藥湯熨甫瘳淮陽痹葛巾新從陶令漉奇服追伴靈
均晞君乎規我一寸陰可惜還望危言贈處資弦韋

壽方滌儕先生七十

荷衣澹蕩解龜宜七十童嬰色更奇文守靈皋無失律政

留新野有生祠洞房熊鹿朝朝戲經帙丹鉛昔昔披光氣
樅陽餘一老菊潭乳水注深卮

澹于榮利得康強近聖街今履道坊

君久令河南致仕歸在新野尤有惠政杜

門著述垂老益勤又日習八段錦妙盡攝生之理

帖寫戎鹽資服食詩成蕃劍出

光芒憂時黃石頻按麓發興青霞待裹糧策杖欲從山水
癖石牛溪畔竹匡床

涉歷軍諮汴水陰飛書草檄掃氛祲中年道氣消兵氣晚

節仙心又佛心偶注陰符兼遁甲手栽青李與來禽年來

大隱依裴尹定卜林塘草閣深

杜工部入蜀初參裴冕軍幕裴爲卜居浣花此經營

草堂之始嚴武代裴爲尹又參嚴幕

官齋竹日淨暉暉午入披縛酉未歸

用韓公在張荷上干僕射幕府事

珠無滯相竹中一滴有傳衣耗奇隊仗按文陣應間機鋒

直箭圍壽過劉姚兩先輩不資邛竹步如飛

海峯先生年八十二惜翁

四十四卽致仕壽至八十六

將讌集蕃漢賓僚於南庵

貞元翰林狂標格法會筵開地布金勿悟諸君皆勁卒方

欣之子照清襟青當窗戶竹蒙密紅出野池蓮靚深

皇澤如春中外挾蘭閣霑醉酒頻斟

范長生詩

蜀才箋易青城徜徉百六十春閱世興亡消息四時詘信

八節狎虎如漚入火不熱前契苦縣後挹華原

唐初孫思邈年至百

有七歲京兆華原人

段宗戒子蕭丞卜孫受書葛亮平揖李雄守雌

自蠖厥道猶龍

集知稼樓

兩扇天門控上游留犁撓酒足銷憂繖山北望千重嶂衣
法南來第一樓五翎候班林外蹕十軍持釀竹閒筴繁農
默禱兼旬霽翠浪全迷穉稭疇

和雲門桃花源詩三首

武陵漁人誤入桃花源贈隱者

行地仙真絕迹居桃花洞口糝林於女辭臺膺懷清字兒

讀蝌形未火書泥飲乍邀通款曲茅簷相對興蕭疏只疑
別有天光大問訊春來安荷鉏

桃花源隱者送武陵漁人出洞

待訂他年相見期卻煩姓氏隱支離不須竹杖朝騎去且
趁桃花夜漲時毛女與君俱未淨龐公隔世豈能知強留
一宿丁寧話有約重來此釣師

武陵漁人再至桃花源尋隱者不遇

紅霞依舊照粼淪一綫厓光何處村舊酒暈留襟上漬新
僊官閣壁中言豈真不與夏蟲語令我空尋春夢痕還洗
塵心別妻子再來花下定開門

擬桃花源詩三首

并序

樊增祥

曩孫鼎如先生主詁經講席以桃花源事命題查君
揆詩最工壬午冬在鄂中志局得詁經初集讀之每
至查詩諷不去口以眎子珍六兄同爲擊節蓋其事
其詩皆蕭遠野逸與僕天情相契故也在昔淵明生
典午之季年逢寄奴之代禪作爲斯記什九寓言然
而雞犬桑麻依然人世羲皇不遠祇在柴桑耳查君
應徵而作別無高寄又生當極盛偃仰西湖其中之
悲愉與淵明異矣僕爲親負米覲顏折腰旣謁選得
秦之宜川令以甲申七月出都暑雨閉關久乃得達

屬以鯨鯢未戮海國驛騷旣蹂躪於風塵更屏營於
嫠緯嗟乎隙駒百年單門八口何慮不給而就微官
昔人不能降志於督郵而顧手版倒持爲茲僕僕哉
苟有一廛如淵明所記稻田鱗比花竹蟬嫣所不卽
歸有如江水因擬是題寓息壤之意並寄子珍都中
若以吾意在避秦則失之遠矣

武陵漁人誤入桃花源贈隱者

萬樹緋桃護隱居迷津翻幸得相於花開尙似秦時火兒
大甯知漢後書海上蓬萊知不遠山中甲子記全疏羸劉
興廢關何事頭白溪邊自荷鉏

桃花源隱者送武陵漁人出洞

世外相逢事不期
溪堂信宿忍輕離
來當桑樹雞鳴後
去是桃花飯熟時
漁具好從前路覓
山名莫遣外人知
芒屨怕踐劉家土
分付閒鷗作導師

武陵漁人再至桃花源尋隱者不遇

一再挈舟訪隱淪
遙遙雞犬是何村
重尋煙水眞如夢
若問桃花定不言
沙鳥似含窺客意
岸楓猶有繫船痕
等閒未許漁郎入
何況乘軒客到門

和雲門

渭雲繚白水
縈青一別離
思周一星袖
有銜書文不滅樓

標供奉展曾經

君過牛渚作太白樓賦

新修貝葉南朝寺更拓珊瑚鞭

北望亭只盼雲門來挂錫莫嗔居士口如餅

今春予病十旬雲門書七

至不一答故有結句

早春有懷

樊增祥

春到江南艸木青思君中夜望疏星十三篇廣兵家注二百籤疑小品經詩好入於宣聖室酒醒長坐醉翁亭部中多少南朝寺可要雲門挂錫餅

聞松江府西門內新建融齋書院成太守陳公率諸生落之不覺色喜老門生今秋定歸不審都人士廷推我作灑掃戶否

誰歟枕剡傳經者著籍門生共索綯敕弟子支茅一把夢
先生飲易三爻

雲水光中異景生眼前突兀見祠成歸功賢將陳師道爲
薦溪毛碧礪羹

率諸生奏鹿鳴三精舍開山別有龕謂上海龍門精舍先生撰杖都講之地別
奉栗主薪火傳來流布廣儒林一傳壁閒嵌

我與傳師會後期朱亭三百士如之朱笥河爲閩學政罷歸諸生三百三十三
人人抱一石築亭曰朱亭以餞別今劉多年殯放儒分八
祠釋菜合樂惟予與約齋未預執事
摸索龍門舊日規

頌千里鏡

莊云風憐目目力勝于風目能營四海風祇行蓬蓬誰知
疇人巧乃發象罔蒙心祖墨翟傳凹突法可通製之爲遠
鏡以濟目力窮能攝遠者近能暴纖者洪俯觀滂沱壤

謂地滂沱而四隕

仰測象緯穹潛天而天現潛地地昭融百里悉

蔽翳千里洞窪窪乃知古今理无窮出環中物物理无涯
新新日程功積測智逾出執樞應不窮何況唐虞世垂衣
法重瞳君以人爲鑑鑑以古爲礪功倍徑尺器象限儀母
庸其鵬不可欺禹皋輪赤忠各以一官效獨勝母雷同播
種到聖處巨靈策陘鴻材器有各適因任秉虛公

聖治離兩作羣材石兼攻成大圖鏡智塵埃無纖事殊方

嚮風靡在野驗風從戶牖綴赤白合宮達明聰

陳先生禮本鄒伯奇說墨子經說云臨鑑而立景倒

景影

古今

謂窪鏡也又云足敝下光故成景於上首敝上光

於

故成景下此解窪鏡照人影倒之故也又云鑒者近中

則所鑒大景亦大遠中則所鑒小景亦小此則謂突鏡

也今西洋人製鏡之巧不過用窪突二法而墨子已知

之惜其文多脫誤難解耳

古用銅今用玻璃故凹凸之法雖同而巧質異

山寺

礧水橫斜石路侵一牛鳴地入叢林漲江瀉碧橫如帶竹
日篩黃碎似金雲嶂排空無定相石牀敷席試觀心無機

得句俄忘卻晏坐林中不强尋

憂樂相倚伏

入梅苦連雨巨浸俄稽天陂稻根葉爛農夫百憂煎歲恐
遭荒歉牧民者胡顏圓荷隄東西秀出綠水浮遊儵戲其
下吹唼蘋花稠掬入小盆池不殊濠上遊萬事皆可憂萬
物皆可樂劍頭炊不危衽席福轉作清修而寡營庶資攝
生藥

贈熊滁州

瀟灑南譙收絕倫願依西礪作州民
托予管內山亭勝穿屋流泉理釣緡

騷人例占溪山郡符竹韋王

元

數到歐何處神仙跛道士

訪楞伽字幾尋幽

子厲家全椒九鎖槐火亦曾訪韋公尋山中道士處

醉翁亭抱三株雪庶子泉今一片慢猶憶吾師種梅處樵

人斫牘只東欄

此外舅薛桑根師修復歐公二亭種梅滿谷今只牘三株李陽冰篆刻庶子泉三字

久失之

菱溪山戶蜂糖熟佳石今迷一尺苔那得枕泉招老沈白

雲堆裏抱琴來

菱溪本名苕溪州人呼蜜爲蜂糖俗相公避楊行密嫌

名改歐陽公得菱溪三大石輦致郡齋刻詩石背梅聖

俞喜我得此石云云石今存其一刻文只上五字可辨

得此石三字已湮滅歐公門下有琴客沈遵故及之鞠
孫同年方修州志戲謂上項事可採入雜識

披襟

水生之蟲安於水吾亦同遊積氣中苟非吾有無多取小
立披襟受竹風

懷顧子朋益山下面水居

兩個閒雲不相見君嵇庵我阮亭宜我思著屐登黃海君
恰誅茆傍翠微松性輪囷獨也正世緣湛濁是耶非阮翁
酒送嵇庵老領略無言杜德機

此心直與盧耽鶴飛集君家庭樹枝德操拊囊逃世議毗

言三
耶杜口倘吾師紅雲擎水荷千蓋蒼雪遮門竹一埤注瓦
遙知竹根卧醉邀楚客咏江蘿

再和雲門

武陵漁者誤入桃花源謁隱者非有先生

東方有一士章陶公自厲也東方
生作非有先生論亦自厲故借用

那知物外有人居食息天游不異於溪口桃花來逐客洞
門荅牖問誰書鹿裘扶曳人偷樂雞黍殷勤世法疏隔世
有緣門外漢飛來導汝一春鉏

源中隱君子送武陵漁人槩特出洞

佛書有槩特不曉文句義味
又性善忘漁人殆卽此人

棗花予豈是安期子有仙緣輕別離看取千回熟桃子可
能再訪及瓜時世塵莫管蟲沙劫名姓休教虵雀知好去
不須開口說山家那有鍊丹師

漁人槩特再尋桃花源隱者不遇

俗子何知有隱淪拏舟雲合失山村桃根桃葉誰迎汝山
鳥山花似諷言枕熟黃梁春有夢勝漫碧蘚洞无痕歐梅
遊嵩山仰見絕壁苔蘚合成秦人想自居先輩不許雲祢
字曰神清之洞既而失之刺到門

附錄

書陶靖節桃花源記後

於山溪閒有桃林於林中有源於源中有天隱者且秣穡
後世不數有漢何論魏晉語云宇泰定者發乎天光此非
陶公慨想黃虞之寓言而何秦者以方前建威將軍裕昔
爲參軍事之今則以改玉步恥而避之避之荒閒之野蓬
藿拄乎狃麤之徑而卽安焉揚子劇秦卽以刺新是其例
也番番黃髮披褐懷玉怡然自樂其性命之情乃陶公自
謂垂髫之倫則舒宣雍端通子之屬是已渴飲寒衣雞黍
延客鄰曲情話交相問訊道路男左女右悉如平人夫賢
者起居食息世故酬對了不異人所異人者神明耳豁然
開朗別有天地謂鎬宋時之天地非晉時之天地義熙以

後之日月異於太元中之日月元好問弔亡金詩云蕩蕩
青天非向日是其誼也惟柴桑一曲栗里半畝之宮庶幾
別有所戴之天所履之地始終吾身以敝明白照而已乎
郡守求一面不可得蓋斥檀刺史道濟王江州宏之流昔同
參建威軍事矣爾爲興朝佐命身是晉室遺老峻示厓岸
不許問津是卽平生結契荆軻三良刑天精衛之志氣何
言之悲乎可許偶一往來者意惟劉麟之其人乎漁人云
者則清晨聞叩門章勸駕之田父比也不違己以詘道甯
稟氣以寡諧吾駕信不可迴矣故可一見而難於再見以
上皆厲言也或譏予言何穿鑿之甚予曰請以述酒一章

證之重離照南陸離黎音近重黎謂司馬氏琅邪南渡而
成帝業故曰照南陸也山陽歸下國喻恭帝受禪卒見燭
於裕故曰天容永固彭殤非倫厲言述酒特謬悠錯亂其
詞耳遭時陽九周身之防至言不出惡能免於穿鑿乎桃
音與陶近中無雜樹一句寫出身分遠公東林蓮社之約
招陶而拒謝曰靈運心雜不欲致其人謝亦晉之世臣失
節仕宋而又畔宋謬託子房魯連之義不謂之心雜得乎
遠公乃外人蓋知其放矣贊箕子曰矧伊代謝觸物皆非
故曰問今是何世歎惋不自勝也檀王顏謝於陶公皆有
舊皆劉寄奴幕僚四人者皆拙身事霸朝故陶集無一筆

與顏謝往來之迹實則顏誅中固明言與陶周旋甚密也
其用意不可曉然邪傳稱介于石不終日其指遠而詞文
文中子言上者天隱其次地隱殆公之志也夫殆公之志
也夫光緒丙申長夏初八日芳郭鈍椎書

夜雨懷子培

暑宵刻漏箭催蓮長想儀形似隔年荷芰聲中雨數點猶
疑同據槁梧眠

懷壺公師

幅巾只是一儒流節制旂旛九九州不以朱雲常吏待思
扶靈壽法筵遊迴旋長袖猶難展陶冶羣材或易求須信

詩五
目將營四海人參機務卜金甌

寄子培

如海幽憂不可湔由來家行法淵濤雲浮衣狗人閒世景
駐茅龍洞裏天柱下方書眞寄耳陔南色養自陶然昨來
遺我明珠百字字清冷濯髮泉

喜復堂至

七十童顏炯兩眸楚然何幸降荒陬青田有鶴邀同宿東
野爲龍笑不休收攝心光姑自照磨礪世務莫相求猶堪
淦勝尋黃海濯足天都萬丈流

雲門五十有一初度以詩爲壽

夷陵山水天下奇
天馬蹴蹋樊宗師
攝四溟濤入毛孔
操三寸翰驅文辭

今代椒花吟舫朱
南皮愛士古來無
楚材第一搜縞出
東箭南金世所須

養親負米那嫌貧
三金千鍾異懺欣
萊綵猶欣君逮事
蘭陔不泊我傷神

日啖胡床餅一枚
潛江家乘記清齋
勳門涼部三明貴
晚出張芝信雅材

侍迓論思上奏箋
初登著作玉堂仙
應緣觸忤狔帝墮

落南華第二篇

莊子桔梗狔
帝時相爲帝

不經錯節又盤根那別龍泉劍氣伸兼綰數符治輒最日
批百牒判如神

吏才天得不能欺秋實春華兼者誰薤稜眞當拔百本茗
甌仍不廢干詩

小冠脫略揖元戎時倚陳湯草奏工屈指料應聞吉語賀
蘭山掃鼠狐空

詩人例以渭南名老學庵眞心太平八十六翁詩萬首胸
無薺芥又長生

越縵樓如白雪瑩一生低首事滄溟苦心搜拾遺珠玉仗
有樊山老眼青

閱盡元都千樹桃貞元朝士漫騰嘲下中李蔡封侯相敢
並連州一世豪

雖忝與公同甲子守雌豈辦與名齊低頭只拜爲龍孟斂
手惟攀舉鳳嵎

健如眞逸兩瞳方十七年曾齋太常我亦久無丹白念一

綠鬢良非

老者事一龜早晚獨支床

早晚一本作予亦眞誥云丹白存於創中則純朴不全

鈔胷腕脫不能供十枉瑤章荅一慵上水船唾予怯敵倚
天劍避子交鋒

我無解語雙荷葉君信登仙三朵花上笑豈煩教眾建坐
忘今已免疵瑕

文殊來問淨名病無散花天生作麼鮑照豈甘成鼃殺方
山險被變羊訶

屢讀新瑯魁記

家諱

公卿眞獨秀壓江東晚來入古尤蕭澹

宗趣桃花洞裏逢

集中桃花源律詩三章製題旣新造言尤妙予一再
和終不能到

同愛兩詩人白陸子尤思以陸名村老嫌束縛金魚袋其
醉江南卧竹根

穹碑先丈德功鑄文似隴岡表必傳忠敬由來根孝友龜
堂一老氣常全

君思一棹吳淞美我愛千頭楚橘甘若遂招邀復堂宴欣

然卜宅夾漳三

仲修昨來此
小住六日

奉君美酒荔支綠直上名山腰帶鞋亦有驚人謝公句攜
來呼噲通金庭

紅豆村人十五集長明燈下淨焚香晚來亦有傳衣者鍼
綫度與新城王

康王樂府秦中歇天遣樊山往振聒紫閣松聲白閣雨一
齊收攝錦囊中

陋無州宅可誇元吏術精尤畏子賢但駕冷風約遊世赤
松黃蘗各長年

過橋

出門過橋去卽斷去來緣倏水如陽燄荷花翠蓋鮮
扶筇過橋去凝望黃山海浮邱已昇舉仙人復誰在
尋師過橋去誰歟遙我情有客三層閣松風吹玉笙
衆方過橋去猛斷世間際目擊道逾存新機真不滯

南庵題名

光緒二十有二年長夏庚辰望是日中伏前山西知縣歙
汪宗沂五品卿銜前翰林庶吉士太平崔澄光祿寺署丞
無錫顧玉書優貢生華亭沈祥龍舉人湘陰彭兆琮儀徵
劉富曾涇洪槃宣歙分巡道桐廬袁昶肄業中江講院弟

子優貢考用知縣江紹明舉人周冕忠諸生汪瑞鈞徐元
龍汪德淵王澤春趙億乾陶寶書袁德劭允肅梁肅國子
監生榮安讌集南庵登知稼樓望白馬洞天大荆小荆諸
山黔雲籠日不甚明了積水瀾漫傷田禾慮歲不登座中
多績學士詞辯百車閒可采錄爰題名於壁以記歲月抵
暮乃歸是日遲編修呂佩芬河南知縣謝立本刑部主事
呂志元潘希祖四人皆不至兆琮書

宴集南樓會者十九人有作

祥龍

樽前山色無邊翠屢上層樓景氣新上土黃庭箋內景諸
生絳帳事經神河汾門欲羅房杜

謂張廬先生

瀛海談須質孟

荀近奉敕檄所在立西學書院君擬分立經義治事齋兩齋而以西學之有用者分爲入門附入治事齋絕

似南皮泛瓜李坐忘誰主又誰賓

檻外高荷隱釣船水生瓜蔓夕陽天攜將三論王文獻著

個孤吟孟浩然物外清標無過澹老來服食只宜仙臨江

更遲東來客醉墨同題壁剡箋

復堂老人將至

兆琮

山色杯中赭雲落倒涵樓影水光新言非曼衍卮無當論

入縱橫劍有神付六祖衣師璨可飲三爻誼挹京荀津梁

中有桃花洞不待西都子墨寶

君昨作桃花源記書後

北渚江吞一葉船南湖坐愛晚涼天遮門碧柳梳風嫋擎

水朱華映日然世法數誰清淨退心光箋出地行仙

仲伊先生

注黃庭經極有微解放翁何緣寫此無遮會拂拭蕭生玉

名心太平庵故有取乎爾

版箋蕭尺木本州人

祖

無限江雲含變態真看一上一回新就中鎔白詩銷日各

有鉛丹妙入神魚醬經綸笑伊呂蠶箴琬刻付揚荀何殊

夾沔懼情接床上龐公忘主賓

座客劇論伊呂道家非挾陰符六弢不足以佐人主

定天下周公儒家之祖非作周官三百威儀三千又惡能

致太平哉各有體用各具機鈴猶孔墨之相爲用不可相

非存入主出奴之私見也往復語甚多

曾公贈友詩商榷到米鹽經綸及魚醬

鷓鴣晒翅夕陽船檻外蒹葭接遠天渭上火雲懷白也江

南風榭似陶然

客有言茲樓風物絕似京國陶然亭者酒半懷樊渭南

揉藍一水斜

侵道飲瀼三關自得仙液液黃庭欣授我長桑公子賴君

箋

仲伊出黃庭經注藁相示長桑公子即扁鵲所遇之長桑君飲以上池之水上乃玉字傳寫爛脫之下半字即

經中所云玉池清水自生肥也厲嚙津法乃隱語耳

池上草堂

時客龍舒作

堞枕長江繚雙帶池環曲榭涵千籟叢篁古木龍所都鮮

鰣香芹行可膾桐陰遶榭百年物森列義冠煙閣續從來

畫境開詩境似獻遙青伐蒙茝塵寰無心偶得之快意默

數斯遊最一榻蕭寥試趺坐漱滌濠觀游物外了無神龜

上蓮葉時有異鵲穿林靄宛尋深谷盪炎囂護隄老柳風

中旆八公三祖可招邀仙之人兮張羽蓋檻前垂釣雕菰
碧池中倒景圓笠大鄉祠合祭陽明老氣以直養知無害
若教參透水牛機芳郭鈍椎真不會

浙館中應拓屋三間爲王文成祠堂以公起兵平逆
濠乃解安慶之圍大有功於舒又常宴坐九華山中
故也予有黃公望陽明洞天圖可張之祠壁當與王
許諸君議之

次山提刑餉黔中竹蓀二器

幽蘭日生蓀獨未聞竹也產自竹王祠秀茁且蘭野臭味
偶相似瀟灑同一治採儼石華皺庖待椒鹽洒竹飴所啖

餘青甯未化者脆比菌連珠佐宜荔注瓦明公遠見遺攜

自黔輶雅想見鬱林裝蕭然度峒社所攜惟此物聊佐清

耐昂登之行廚鮮臙臙裁盈把味不借花豬包裹出人鮮

黔州有地如披巢邵詩擯彼肥醲寡
黔詩人傑出者近有

名人辭魏
鄭子尹巢經巢集莫
邵亭以遺饒老可萌似童嬰妊湯燐付廚娘羹鼓歷末下

何殊竹花餐絕勝野菊瀉中有曹溪滴芳寒瘰癧瘕

又遺鹿筋一束

金骨啗未變玉筋承枉貽華陽本草注移刺晉卿詩綠髓

陽填祕衰顏早服宜從茲恣勝具起蹙仗深慈

靈樞經云
陰平陽祕

精神
乃治

和

鐵嶺 趙爾巽 次山

稚竹亦生蓀因之遺白也芳鮮侈南食寒儉嗤東野潔比
屈餐英焙之嵇鍛冶佐君服食資樽酒實瀟灑新詩過崔
梨脆美洵健者君以蜩投魚我憚金注瓦不詳戴凱譜不
登陸佃雅密苗剛水頭羅生不狼社時賴撐煩腸蕭然映
深翠昨緣佳客至入林臂欣把試問燐貓頭何如烹龍鮓
至味妙于回可惜知者寡使君性澹泊所以童顏好劑宜
鹿筋和功亞石髓下欲求醫國病斟酌兼補瀉還施肘後
方一療世閒瘕

三崎人贊

言三
陸生

西京將相雖烜赫不及蕭疏一陸生
晚出粵中裝橐有丹沙服食使身輕

班嗣

老帶嚴襟夙所師收身只辦一邱
宜造門況有攤竿老載酒何煩更問奇

楊少師

東游石壁楊風子受詔命作錢王碑
瓜子金應卻潤筆酒中槃礴艸爲之

于方伯餉西瓜

蓬山昔剖棗如瓜薇省今貽瓜似棗飲比金莖竹宮露沁
逾玉井蓮房好祕方仁者喜傳人液液玉池參妙道

和楞青

炎景流堅金火雲撐奇嶂池館亦若蕉赫赫炎微張龜堂
一千息強與焦原抗幸有逋翁來清風生醞舫予談眞擺
落素抱復昭曠集掌鳥忘機出聽魚異狀牆樊付洞徹一
扶事理障

兩卷冰雪瑩餉予手澤編遺文明且清家行希淵審古心
背時利古質刊今妍東林顧高緒一髮鴻鐘懸天理自融
暢窮通兩超然

高景逸先生云凡
天理自然通暢

寶之偽七葉守道直如

弦惠麓三萬家誰如于公賢緬懷白雪齋何假紅犀纏

倫叔爲致惠山泉一巵

不須水遞將泉乳中有華陽龍飲殘遺我酌之生羽翼東
尋許長史仙壇旋聽石銚松風沸勝似聽松石上看

燈塔

七月初五夕江永舟中夜起書所見

九華仙子方渴睡燈照浪花擎塔來峯堵波看臺本縮火
珠林訝建標纔犀當然處礁防觸蟹初過時斷乍開添得
夜江清景美只疑舍利放光迴

亮生遺我蛇總管二枚云是崖州所產藤本味辛瀟
治痧症腹瀉胃氣癰兼辟惡物本艸所未及收作詩

頌之

函封老友致殷勤服食新登藥錄云佳號署稱蛇總管炎
威免作鼈參軍贊皇試採治風痺寇相曾煎帶露熏功效
想應同筦仲

亦藥草
避水穢

爲蒼生起強拉君

舟中戲題

風力吹嘯楮岸帆日光迴薄黃天蕩姑溪窮衲自西來東
海神魚方大上迎我螺青排闥送一舟劈箭穿高浪

故鄣

煙裏人行穀溪晚屏風鳥度敬亭曙牧之留得杏花鯨白
也已隨松子去夢裏衣霑黃海雲陵陽借我龍爲御

每日
租金

六百六 藤蘿絕壁不可捫叩問文殊院何處
毀庵云黃山
海馬種絕山
塢路斷文殊
院亦不可到
時有山僧汲丹井坐看嶺帽披晴絮

望艸堂寺

荷外葭蘆蘆外山晚霞片片落池塘艸堂寺有留人處應
免蠅蚊喂鳳翌

夜至鍾山書院訪小珊山長

貞元兩翰士白下一經師同勝君尤雋侔年我覺衰春藝
琥珀盃月泛芙蓉池卻羨盧姚逸開天遇盛時

游元武湖

謁拜湖鄉
相俟畫像

海中不見五神州夜半有力負之走墮落朱湖小洞天縮

地浮空作堆阜環洲翠浪千娉婷擎水青霞映林藪定林

佛捨紅瓔珞風標公子翔其右

杜牧晚晴賦謂白鷺也

今朝相與无

相與四客听然此薜茑

予與松岑先乞舟至新洲湖神祠再拜曾文正公畫像繆小珊山長

徐積餘太守後至不夙戒而同游

三人恰受沙棠舟一斛相呼蘭陵酒何

許予龍卯金瑞彌天絳雪土囊口寒玉蕭森藏一寺蘋珠

璀璨甯論斗州民倚以花爲業等候千戶天所厚潮溝卻

憎朱舁宅白馬青絲識來壽當時隻手障浮雲何似晶盤

雪素藕天賜敝霽我輩來棹謳送入銀濤堆雖殊僕射新

亭感誰是龍超幕府才

王丞相幕府山在湖之北

湖祠眞率作佳會松

老攜有松花醅甄邯郭璞飽螻蟻宋顛梁蹶皆塵埃貞元

朝士巢痕掃京洛渺然腸九迴物情一概安燕雀世運誰
撥屯雲雷再拜江左夷吾像竹木名節公手栽甘棠湖頌
謝傅埭飛霞閣敞燕昭臺風流龍渚迹遂往經綸夷險方
思材寒泉一勺潤毛薦精禋九扇天門開

舟集

一雨洗秋巒眞形鍾山出返照夕巖霏荒尋晚鐘蒼長林
帶餘霞密竹翳幽室散人無町畦虛舟泊蕭瑟水生澹沲
煙盤摘芳甘橘橫陳食鱗鮮遶燄飛蛾密佳歡俄再覩去年
九月與公度節人事流光疾惟應道術忘勿歎良時失會
庵泛舟遊此繆蒯兩山長顧文學鄭郡丞徐
太守與余六人松岑期不至

溪上泛舟

作五章

清溪九曲張燈夕壁月生煙雲不流定心肯爲微物起虛
舟偶挾天機游妙曲法崢嶸憐子夜前塵蕭瑟夢西洲使君
已老髭半雪擊碎唾壺歌未休

我心如劍不可屈外物有命眞難必堂堂白日寢以馳光
氣空藏寶刀室歌聲悲壯振林杪積雲凝停海水溢何時
騰上丹邱臺玉井蓮房澹似蜜

壁月生魄雲如羅容成醉矣朱顏酡燈前大魚偶出聽應
節低昂跳淥波哀絲豪肉不可說使君一念過新羅明朝
裹糧棲霞去蒼厓石刻千摩挲

言二
吳絲蜀桐張高筵玉盤珍羞直萬錢脂雀披絲鷺作炙江
南行廚窮芳鮮西域材官已遣去高牙大燾堪安眠忽憶
吹唇動地沸割棄鶉首哭皇天

蕭槭歡娛繁吹奏交輝燈月明如晝後庭樹樹非瓊花直
瀆涓涓瀉瀉鳴溜可憐南朝無數山冰脂浮華工刻鏤功成
敕賜溪一曲鏡裏朱顏尙未皺

曉望浦口

隔岸山初睡醒雲鬟一半模糊青青黯黯欲雨下有南譙
舊廬

雲表巋然一塔荒村幾宿曾經山橋野店星飯夢裏滁山

更青

怨詩楚調示黃公度僉巡別

玉繩低兮苑牆河漢亘兮無梁佳人醉兮未央
聯迴波兮娛光瞰竽瑟兮浩倡飛龍落兮藥房君之心兮難詳霧冥冥兮九閭身隱約兮棲遑遭讒邪兮蔽明士不逢兮憂傷矢嫫媿兮守常夜遼遼兮罕陽抱耿耿兮相望

寄汪穠卿進士

瘴海塵黃寄一身江河一蕢向誰論曲江座上傾襟舊代國詩中說劍神默攬盛衰資野史通知古近有揮人背長羽短填蒼海精衛區區亦苦辛

卽景

疾風吹雨過江來一片冥濛太白臺
忽挾奔雲向南注九華峯頂燬煤哀

天邊秀削九芙蓉我欲南尋仙伯輓一
雲晦冥風雨起洞天對面不相逢

礮車雲起雨如注捲入匡廬彭蠡間
一雲餘霞殘照出青林如沐鳥飛還

江上送筱珊禮卿之鄂州

聯珠綴玉兩遊仙難得雙飛入楚天
語罷煙中挂席去暮鐘催我獨迴船

崔隱居餉蓮藕

門前橘務復菱租一味分甘遺老夫藕刈九孔瓊嚼雪房
攢千顆綠苞珠山家餽問由來韻物外題封興不孤祇欲
窮探玉井勝如船佳種得來無

曲園俞先生年八十重遊泮水寄詩爲壽

池開半壁藻芹浮重著欄衫橋上遊夢抱漆丹朝竄頂劉

舍人夢執丹漆之禮恥談青紫賤羊頭領筵靈壽扶三老
器隨仲尼而西行

稽古殊榮冠一流議禮櫺星門外立俞樓應並阮公樓

道光末予告大學士儀徵阮公重游潁水以會典不
載禮節爲疑命門人議之旣而以兩校官前導自下

馬碑步至櫺星門外升階上第九級跽叩行禮同治

辛未見丹徒柳賓叔

興宗

述此事柳先生道光壬午

舉人曾官句容縣教諭治穀梁春秋年八十五重遊
泮水以疑行禮應在降階下第八級官吏備筵待而
倉猝未得禮家議之柳先生竟謝不往此一事見前
輩作事詳慎不敢豪髮涉於疑妄而爲之

白髭紅頰老人星朝士開元舊典刑九十大毛公健飭三
千高足弟橫經仍懷蒼海秦椎志壓倒元文蜀宴亭精舍
諸生今白髮爲持法酒祝奇稔

將以月夜泛荆山湖

時上牒大府
乞予長休告

太白峯暉所未攀
浮空削翠雨螺鬟
從無明月冷然夜
來棹酒船相與還
盟我不寒
漚鳥白山靈詎厭
鬢毛斑
只疑中有瞿硎
宴待叩松門九曲關

俯眎人間噓蜃
寢水如流玉碧潏潏
棋逢小劫神偏王
劍晚危炊意轉閒
手把珊瑚釣赤水
洞開石佛繡蒼顏
乘風欲往且須住
待紫磨輪昇海灣

偶書二絕

甯人不復卞
乃投虞山刺
擺脫蔣山傭
遨遊華陰市
衣白山人也
食氣落江湖
日與喬松輩
方外一胥疏
攷廬子約導
遊黃海期以
裹一月糧
偕往

兩交撥雲筇笠俱賫糧真欲上天都何方避地栖梅尉有
約尋山解竹符漁物無緣乞軒鼎參方聊以斂文殊黃山三十
六峯文殊院最勝然若逢絕磳崩厓困笑仗丹邱子度吾
厓深徑仄人迹罕到

山寺

木杪見勝鬘嵌空得異境疏巒雲盡斂晴刹秋更靜羈客

悲寒泉

子輒以是日避之郊原荒寺齋居竟日

羽人吸遠景蕭寥鐘梵音徐

度諸天嶺寶佳會真率了不煩造請鳥拂屏風飛魚行潭

鏡靚俯濯青瑤流仰翳翠波影秋光薄西灝天趣真各領

夕日光炯碎明玕篩一頃坐忘喧寂緣際斷去來猛樂以

道情寬云何世議梗寄言攝生客外物良可屏

調印根

鬱居士只工爲隱
後人眞善閑關把卷坐忘
雷破壁停杯偶見月
銜山靜中養出憂端
澹悟了都將物累刪
穩葺祝融峯上屋因君
識路得躋扳

病齒

退之年廿六悼齒自獻嘲
是時謫陽山天遣尹颺孫
今我

踰始滿

孔融集公爲始滿融又過二

傷齒日已搖罷癢盜倉粟齒髮固

互彫但憾未聞道
冰脂空鏤雕孟晉無所見怯行路逾遼
博涉恐溺心世故紛相要齒衰業未成
俗學儕牛毛且內
觀汝身不實如芭蕉

寄一詩祭醑朱鼎父亡友墓

平生師友最緣深，獨別朱游竟陸沈。
宰樹人知真御史，百年樵牧不教侵。
往年已聘君來主中江講院，君亦惠許而竟歿於嶺表，可哀也。抑中江諸生之不幸歟。

無事坐作偈

鷓鴣子過新羅一，念又焚和看牛落艸去。
牽鼻拽來麼？
此喻在收放心。

二

前庭啖柏子，有佛法也沒三篋。
遶汝身鍊得鉞漢骨，
此喻苦耐貧鍊得筋骨堅，乃學人第一要道。

三

到頭方叫苦黃蘗作驢鞦沙界人多少

此喻修學

務早時過後學則勤苦而難成勿徇俗致晚悔可也

四

我有珠如月只在素壁上冷淡誰坐看淨掃千重障

此喻道在

當前人自迷罔不知求耳苟能居敬窮理以求之則返觀了澈百般繫縛全消

五

不須尋義味義味自然深牢念台觀了具足畢

具云優畢

又華言止觀平等三止三觀乃敬靜夾持之誼止觀平等乃強恕求仁之道也此喻彼法教禪二門不同我法中亦程朱陸王迥異但堅守朱子遺書是教典非頓法學人便了澈可以終身行之不入歧旁曲徑矣蓋朱子之工夫

密慮患深故弟子謹守繩尺無流弊陸王之
工夫疏慮患亦淺故一傳再傳屢出變相也

記友人法語

岑老自言年望六不應早休兩南華武夷四曲從今泛舟
得舟糧道轉賒

聞黃漱老將自鄂州來遊舒州擬遣人相迎

城西社散幾龍沙遷客傷時未有家朝舊久稀眞鐵漢浮
榮乾笑執金吾羣器多士資公鎮歲晏幽憂孰我華欲遣
信人相勞問芳洲早晚發巾車

漫興

蘭茁十三莖箭桂開第二番花流光明媚可喜刻盡騷人

怨嗟

門生伍叔葆翰林餉羅浮山泉一甕

想從黃野人致此乳水淨何必曹溪味此水有真性

二

久飲天都水未酌羅浮泉君真起我意一試松風煎

又餉黃獨酒茅筆

茅作幽人筆酒香同谷苗興便題石壁身擬隱椰瓢欲把

長鑱去還憑短札招虞卿對使謝兼得旅愁澆

韓文公謝人惠筆云

莫恠殷勤謝虞卿正著書

酬印根泛舟荆山湖之作

子病新起故未往

病餘未辦淦勝具兩玉堂仙無自攀卻似龍門行賞雪一時歐尹盡開顏

二

兩侯秀句關陰鏗

吟鉢同遊亦有佳什

風景前遊數水程我卜陽厓

結茅屋望衡心迹喜俱清

三

暉麗山川興不孤扁舟挂席暫慳余憑君說與雲霞狀許我芒屨獨往無

九日螭磯登高舟中宴集

人生何處非危機月開笑口裁四五漫郎何以酬佳節快

心造物戒多取敕取族庖斲龍鮓喚起篙工伐鯨鼓南狐

東馬多豪雋欣宵降臨不吾拒

是日會者十三人即根石筇吟鉢皆在座

杪秋

尋山不辭遠良會真率無客主漲江掀翻地軸迴勁筆刮

演天根挂古祠篁竹深茅中金支翠旂閃宵雨精忱何時

開歎雲鄉俗紛進從芭舞座中各願填蒼海酒半起酣把

赤羽從茲鏤畫斥冰脂稍出絲髮効苴補治劍趣令鑄莫

耶簫材且罷採慈姥

此庸右武左文天下危注意將之誼

諸公豈惟作賦才

小子亦禮傳衣祖左江右湖共陶陶今一日月何必古試

迴東海注深卮況有客餉羅浮乳

伍太史使至餉以羅浮山佛迹巖下泉水一甕

重治小援子戲爲吳下俳諧體

者便是那鎔安之小山者便是沈慶之南岡者便是白樂天之池上者便是莊子休之濠梁者便是大隱栖朝之柳下者便是長歌辟世之楚狂吾與汝數子者游歲旣晏兮聊適志以洗洋

階下有叢桂四株假山一卷大小盆池六故列敘之

懷雲門

江上雲山千萬疊袖中瑤札十三行欲憑西去送書雁寄我愁心九轉腸

煮茶

秋老桐半黃冬新桂全綠支茶鐺其閒拾漈一甌足遠致羅浮春解滌天下毒芳冽八德味煩腸三彭沃不飴鄧守

安上漱葛抱朴不知今何世但瀝寒碧玉影有丹沙泉輕
身仙可浴人苦不知足得隴乃望蜀浴飲豈容兼爾具此
大欲一笑且隨緣七椀清風續詩人澡腸肚水厄招近局
桂酒不須求芋區行可劇

客有餉以羅浮泉者想是葛稚川黃野人喫不了底留
著與東坡道人東坡公鄧道士喫不了底留著與我輩
喫座上客無不掩口盧胡而笑

小瑤林

山果秋深粒粒丹扶輿窮篠度雲端芳林翦出琉璃葉香
飴擎來瑪瑙杓樽酒拍浮紅海客塔鈴傳語紫煙壇此中

若使巢由住乘興時來倚石闌

范蘿山今爲新關班稅司園墅予爲寫牘曰小瑤林

其地襟江枕湖風景佳勝

新治高齋

清景無如日月真一番拈出一番新
長廊六曲西頭住茶銚生煙栗破皴

聞家渭漁比部病詩以調之

奇氣涉嶺海雄文鞭風霆橫說賤駸駸
版艸儀斥云亭囊括六奇策咋虎干蜻蜒
屈哉此奇士老擁講師經昨歲佐東槎
胸蟠敵情形頗懷先發制預掃兵氣腥
困麀有箸步鏃鶴無長翎會豈百六屆
運胡陽九丁潛狙虺濺濺天闕虎

冥冥辱使昧遠謀挾筴不見聽拂衣歸東吳長嘯巢支硎
訪我祝茲道飲我陶塘漣周歷桓溫壘峽響殷空舫憑弔
公瑾窆壯志千年醒別我包山去煙水莽迴汀示疾一丈
室瀾翻十三經嗟君草奏才百吏腕不停有時範楚詞山
鬼託芳馨有時按戊笈握奇靖梓梓有時工推步畫鋌占
奔星一卧上白雲下瞰九洲青壯夫今蕉萃洪鐘厄纖莖
不能發巨響乃使閨焦螟蛾眉華年失雞皮老娥姪憊予
無氣力張之濯清冷徒挾俳隱語肱君窮愁局七發演枚
雋三尸刮彭娘我歌子識曲陽氣充金庭兩儀有日月羣
聖留丹青會合縱談笑浮榮付通苓歌聲盪西顙卮酒傾

南溟

師徐遺我湖上梅花六株栽之東廊下

巢居閣畔梅千樹冷藥疏枝夢遶之遠致東關六株雪載
將風景楚江湄

高流知否此移家道是孤山處士花澆以三杯白墮酒關
他一片赤城霞

湖上春來香雪海卅年前向此中居白頭知舊都蘊落賸
有亭亭玉六株

寸根千里不易致輦致端煩沈隱侯淨掃地炷香一炷夢
君把臂入林游

舒州池上艸堂之東偏有亭久圯擬規復之作一小
茅亭冀省煩費而事易舉

枇杷花發水泠泠
髡柳冬來眼尙青
百草盡枯敝徑出
小橋宛轉恰宜亭

亭以何名勝復宜
窮冬萬物未生時
微陽已自井中出
消息蘭根荔挺知

跋

此正憨山所云文字習氣魔耶以後剗滌綺語硯戒勿作
駁雜无實之詞迴頭五十一年非求道尙未之見且旣受
命爲外吏當治吏職戒忼日而愒時汝勿懲耶乃作此鏤
冰畫脂虛費日力事而無一毫戒愼恐愍之良知耶一大
事因緣未澈速穿牛鼻拽將來刻瑯萬言不值一杯水不
如閉門熟睡三千炊剝落皮膚截斷支离鞭辟著己痛下
鉗錘返顧本根黑窣窣地務穿的而洞微一旦悟徹入深
出羃竹解籜而冰流漸身心泊然槁木慳灰掃除曠劫无
始以來積習世出世法一以貫之然後腳蹋實地手治勞

絲治天下之至蹟而不可亂守道術之至一而不可離動
靜交養敬義夾持在宅平以无爲勿乘險而運奇操理御
事融釋脫落假權濟實稱物平施端在息息戒愼恐懼處
屋漏獨居之地而勿自欺綿綿穆穆涵而揉之勿驚高深
洞撤樊籬以不妄語爲墨守以毋不敬爲根基以義勝欲
爲之壁壘以博返約爲之蘊治以涵養兼仁爲之主宰以
應機剴斷爲之鍵椎非立己惡能立事故上策莫如先自
治光緒丙申十月芳郭鈍椎書以自儆